

# Tekolobotjha ya Lenane la Boqhwala

**Tshwane, 1 Phuptjane 2021** – Ditshebeletso tsa Lekgetho tsa Afrika Borwa (SARS) di hlokometse maikutlo a setjhaba ho latela phatlalatso ya moralo wa “*List of Qualifying Physical Impairment or Disability Expenditure*” (Lenane la Boqhwala) ka sepheo sa ho fumana maikutlo a sona.

Bongata ba maikutlo ana bo bonahala bo itshetlehile hodima ho se utlwisise maikemisetso a se tobilweng ka ditokiso tse na tse lenaneng tse tlisitweng ke dinyehelo tsa bakgathatema ka sepheo sa ho arabela dintlha tsa nnete tseo ba tobanang le tsona ka lebaka la Lenane la jwale la Boqhwala.

E le hore re fane ka nako e lekaneng ya hore bakgathatema bohle ba hlahise maikutlo a bona, le hore re hlalose maikemisetso a dipheleho tse na mmoho le utlwisisa dingongreho tse hlahisitweng, ho entswe qeto ya ho hula moralo ona wa Lenane la Boqhwala. Ho tla phatlalatswa moralo o mong wa Lenane lena la Boqhwala ka mora ho re ho phethelwe motjha ona.

Lenane la jwale la Boqhwala, le ileng la phatlalatswa ka 2020 bakeng sa selemo sa lekgetho sa 2021 le ho ya pele, le tla dula le sebetsa ho fihlela le nkelwa sebaka ke le leng. [Mofuta ona o fumaneha websaeteng ya SARS.](#)

Temoso ho bahlophisi:

Lenane la Boqhwala le ile la tsebahatswa ka 2009 ka thuso ya tokiso ya molao wa Lekgetho la Lekenwa wa 1962, o neng o hloka hore Khomeshehara a totobatse lenane la boqhwala kapa ditshenyehelo tsa boqhwala tse monyetleng wa sena. Tokiso ena e ile ya tliswa ka sepheo sa ho hodisa tlhakisetsa le ho tlisa bonnete ho bobedi bona e leng SARS le balefalekgetho mabapi le hore ke mofuta ofe wa boqhwala o monyetleng wa ditshenyehelo tsa boqhwala tse tlang ho una molemo ha ho tluwa ho tsa lekgetho.

Lenane la pele la Boqhwala le qadile ka selemo sa lekgetho sa 2010 ho ya pele mme le ne le itshetlehile hodima thuso ya ditokiso tsa molao tse neng di bolela hore ditshenyehelo di tlameha ho ba “tse etsahetseng hobane di ne di hlokeha, mme di lefilwe ke motho ka lebaka la boqhwala mmeleng kapa boqhwala bofe kapa bofe”. Nakong eo lenane lena le neng le ralwa, SARS e ile ya nonya maikutlo a bohle ka ho ikopanya le mekgatlo e fapaneng e emetseng batho ba qhwadileng le meifo ya profeshenale, mme sena sa latelwa ke nako ya hore setjhaba ka kakaretso se ntshe maikutlo a sona.

Lenane la Boqhwala le ile la ntjhafatswa ka selemo sa lekgetho sa 2013 ho ya pele, mme ka mora moo le ka selemo sa lekgetho sa 2021 ho ya pele, ka mora ho latela motjha ona o tshwanang wa ho nonya bohle maikutlo.

Motheo o tataisang SARS haesale e ntse e le wa ho hlwaya ditshenyehelo tsa tlatsetso tseo motho ya nang le boqhwala a bang le tsona, tseo kantle ho tsona motho ya jwalo a ke keng a kgona ho phethahatsa diketsahalo tsa letsatsi le letsatsi tsa bophelo.

Ho se mabapi le ditefiso tsa sekolo, ditshenyehelo tseo ha jwale di leng monyetleng ke phapang pakeng tsa ditefiso tse lefilweng bakeng sa sekolo sa ditlhoko tse ikgethang sa praevete le tsa sekolo se haufi sa praevete se lefang ditefiso, kapa phapang pakeng tsa ditefiso tse lefilweng sekolo sa ditlhoko tse ikgethang ha se bapiswa le se seng se haufi sa setjhaba se lefisang ditefiso.